



Broj: 13-11-4-2338/24
Sarajevo, 19.04.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku radova „Nabavka mobilijara za javne površine“, po provedenom postupku javne nabavke putem otvorenog postupka javne nabavke izabran je slijedeći ponuđač:

BABEL d.o.o. Sarajevo
sa ukupnom cijenom od 29.978,21 KM

(slovima: dvadesetdevethiljadadevetstotinasedamdesetosam i 21/100 konvertibilnih maraka) sa PDV-om

II

Za izvršenje ove Odluke zadužuje se Služba za komunalne i stambene poslove i saobraćaj.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-2338/24 od 08.03.2024. godine

Procijenjena vrijednost javne nabavke sa PDV-om je: 30.000,00 KM (slovima: tridesethiljada i 00/100 konvertibilnih maraka).

Obavještenje o javnoj nabavci broj 935-1-3-42-3-129/24 objavljeno je na portalu javnih nabavki dana 22.03.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispijelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 12.04.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	BABEL d.o.o. Sarajevo	29.978,21 KM
2.	FLEX INVEST d.o.o. Sarajevo	29.927,04 KM

Komisija za javne nabavke roba, radova i usluga je, izvršila evaluacije pristigle ponude, te je konstatovala slijedeće:

Ponuda ponuđača BABEL d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača FLEX INVEST d.o.o. Sarajevo Komisija je ocijenila kao **neprihvatljivu** iz sljedećeg razloga:

Tenderskom dokumentacijom u Obrascu za cijenu ponude za stavku redni broj 1 zahtijevano je: „*Nabavka i ugradnja fitnes opreme za istezanje struka. Fitnes oprema je opremljena sa jednom sjedalicom i dva kruga za stajanje. Konstrukcija fitnes sprave je metalna koja je zaštićena cinkovim premazom i elektrostatičkom praškastom bojom koja je otporna na vremenske uslove i UV zračenje. Plastični elementi na fitnes opremi su napravljeni od brizganog polietilena sa debljinom stjenke od 4-6mm. Plastični dijelovi su otporni na vremenske uslove i UV zračenje. U cijenu uračunati demontažu stare sprave. Kapacitet 3 osobe*”

Ponuđač FLEX INVEST d.o.o. Sarajevo na stranici 58. ponude dostavio je Kataloški list sa za stavku redni broj 1 iz kojeg je vidljivo da ponuđena oprema nije opremljena sa jednom sjedalicom i dva kruga za stajanje.

Iz Kataloškog lista također nije vidljivo da su plastični elementi na fitnes opremi napravljeni od brizganog polietilena sa debljinom stjenke od 4-6mm, kako je zahtijevano tenderskom dokumentacijom.

Tenderskom dokumentacijom u Obrascu za cijenu ponude za stavku redni broj 6 zahtijevano je: „*Nabavka i ugradnja fitnes opreme biciklo. Konstrukcija fitnes sprave je metalna koja je zaštićena cinkovim premazom i elektrostatičkom praškastom bojom koja je otporna na vremenske uslove i UV zračenje. Plastični elementi na fitnes opremi su napravljeni od brizganog polietilena sa debljinom stjenke od 4-6mm. Plastični dijelovi su otporni na vremenske uslove i UV zračenje. U cijenu uračunati demontažu stare sprave. Kapacitet 1 osoba*“

Ponuđač FLEX INVEST d.o.o. Sarajevo na stranici 73. ponude dostavio je Kataloški list sa za stavku redni broj 6 iz kojeg je vidljivo da ponuđena oprema namjenjena za kapacitet od 2 osobe, umjesto zahtjevnog tenderskom dokumentaciju za kapacitet od 1 osobe.

Iz Kataloškog lista također nije vidljivo da su plastični elementi na fitnes opremi napravljeni od brizganog polietilena sa debljinom stjenke od 4-6mm, kako je zahtijevano tenderskom dokumentacijom.

Nadalje, ponuđač FLEX INVEST d.o.o. Sarajevo na stranici 52. ponude je propustio da na zahtjevanoj Izjavi (Dokument 5) upiše period na koji nudi garanti rok za kvalitet izvedenih radova.

Iz naprijed navedenih razloga, ponuda ponuđača FLEX INVEST d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponudena cijena sa PDV-om
1.	BABEL d.o.o. Sarajevo	29.978,21 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 29.978,21 KM (slovima: dvadesetdevehtiljadadevetstotinasedamdesetosam i 21/100 konvertibilnih maraka) sa PDV-om, te da se ponuđaču BABEL d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVLJENO:

- BABEL d.o.o. Sarajevo
- FLEX INVEST d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



